

國醫小叢書之二十七

聶子因著

小兒病叢談

上海國醫書局印行

上海中醫書局最近出版醫書

內科類

百病通論

秦批全生指迷方

秦校筆花醫鏡

重校瘋癆臟腑辨

醫學見能

燥氣總論

秦伯未

王 貺

江筆花

林翼臣

唐容川

陳葆善

鉛印

平裝

一冊

二角

六折

石印

本裝

一冊

三角

六折

鉛印

平裝

一冊

一角五分

六折

鉛印

平裝

一冊

一角

六折

石印

本裝

一冊

四角

六折

鉛印

平裝

一冊

五角五分

六折

外科類

馬評外科全生集

七十四種疔瘡圖說

外科真銓

外科學大綱

藥斂啓秘

王洪緒

葉 氏

鄒五峯

許半龍

鉛印

平裝

一冊

二角

六折

石印

本裝

一冊

一角

六折

鉛印

平裝

二冊

一元四角

六折

石印

本裝

一冊

五角

六折

鉛印

平裝

一冊

七角

六折

針灸傷科類

秦校刺疔捷法

傷科大成

張 鏡

趙竹泉

石印

本裝

一冊

一角

六折

鉛印

平裝

一冊

三角五分

六折

上海中醫書局最近出版醫書

經籍類

讀內經記
內經類證
內經研究之歷程考略
難經註疏
難經古義

秦伯未
秦伯未
許半龍
日本玄醫
日本藤萬卿

鉛印
鉛印
鉛印
鉛印
鉛印

平裝
平裝
平裝
平裝
平裝

一冊
一冊
一冊
一冊
一冊

六角
六角
四角五分
八角
(印刷中)

六折
六折
六折
六折
六折

金匱類

金匱直解

程雲來

鉛印

平裝

一冊

(印刷中)

傷寒類

傷寒翼方
傷寒辨要
合刻

栗園淺田

鉛印

平裝

一冊

六角

六折

溫熱病類

溫病賦
秦校溫疫論
秦校溫病條辨症方歌括
秦校疫痧草

姜子房
吳又可
錢文驥
陳耕道

鉛印
鉛印
鉛印
石印

平裝
平裝
平裝
本裝

一冊
一冊
一冊
一冊

二角
一角
二角
一角

六折
六折
六折
六折

小兒病叢談

玉山聶子因著

一 初生

小兒無七情之病。能慎六淫之氣。與飲食起居。而善撫養之。自然無病。其有病者。或根於胎中。或伏於初生。故先就初生言之。兒在母腹。何等溫煖。一生下地。冷必異常。故不特嚴冬。卽盛暑之日。亦勿用水洗。只宜用舊棉布拭乾。裹以棉衣。再用棉花蘸麻油遍體揩之。必如此。始不感風寒。受水溼。自免生後諸病。

二 剪臍

小兒生下。如胞衣隨下更好。否則不必俟胞衣下後。始將臍帶紮剪。兒一生下。卽遮以棉。免受風寒。將臍帶用麻紮緊縛固。再將臍帶折疊。又加紮緊縛固。其麻頭須穿於破草鞋內。或破鞋內。纏牢縛緊。然後用剪刀向燈燭火上燒熱。將臍帶留長剪斷。胞衣有鞋墜住。卽數日未下。亦甚無妨。一面扶持產母上床。如在床上坐草生。則無須扶持。一面卽如上一條所言。將小兒拭乾裹棉揩油。必如此。產母與小兒兩可安全。自無各種雜症。

三 開心

余家自峻垣公已醫傳五世。有所謂小兒開心方。卽歸尾紅花桃仁。

錦紋大黃。甘草。各五分。小兒生下。先用葱湯陳墨指套蠶繭。蘸洗滿口。再濃煎此藥。儘生下六個時辰內服完。卽解出黑糞。然後與乳。熱重者再服一二劑。小便不通。加車前子五分。此方余家歷代用之。均極平穩。幸勿輕視。按兒在母腹。純是吮血。故開心方。以去瘀爲主。瘀血去淨。臟腑清潔。自無疾病。而必曰開心者。蓋心生血。瘀去卽新生。故曰開心也。

四 剃頭

世俗小兒彌月。必薙胎髮。最足致病。蓋生僅一月。腦筋未固。有髮尙可護腦。若竟剃去。風寒水濕。從髮孔入。灌輸腦筋。周遍全體。易致變

生他症。故小兒彌月。切忌薙髮。若嫌頭垢。可潤以麻油。用軟刷輕輕刷之。髮久如長。可用快剪浮剪之。自可免諸症變生。

五 換尿尿片

換尿尿片。最忌當風。如要用水揩拭。須用開水。其尿尿片。日晒須要攤涼。火烘須要退熱。如此庶可免風寒暑溼燥火等症。

六 睡臥

小兒睡臥。日間不可當風。亦不可遮緊。夜間俟吮乳飽後。須與母離開。若抱緊睡。誠恐過煖生熱。又恐母氣呼吸。吹入額門。變生諸症。此亦慎疾之道也。

七 護乳

乳爲小兒食料。如菜飯然。最宜新鮮清潔。時要加意保護。不可感寒受暑。如受暑。須將乳頭撚去些乳。然後揉勻。始與兒吮。如感寒。其法亦同。且乳母食宜清淡。若食重油。恐兒吮生痰。此最是內經不治己病治未病之道。

八 乳食

小兒吮乳。須有一定時間。每日約六七次。饑飽以時。臟腑安和。疾病不生。乳如不足。牛乳等物。嫌其滯脾。且易陳腐。傷人致疾。不如用米粉稀糊。每日與乳相間。飼一二次不等。平淡鮮潔。似較有益。若恐

有滯。每一星期可用炒查肉炒穀芽煎服少許。蓋查肉能消積穀。穀芽能消糊積也。

九 服被

小兒衣服。暑天勿用薄綢薄布。恐其太涼受寒。冬天勿用新棉厚棉。恐其太煖生熱。被不宜厚。恐鬱熱易發風火等症。且亦夜啼不能安神。語云。若要兒身安。常帶三分飢與寒。此之謂也。

十 保抱

除吮乳外。勿常保抱。宜安置有輪床筐內。動搖嬉戲。使之肢體舒適。氣血宣暢。心神和樂。自然無病。且暑天多抱。鬱熱易成瘡癤。尤非所

宜。

十一 扇與火

婦人暑天畏熱。最喜揮扇。日間對兒揮扇。尙易致疾。况夜間兒睡。毛孔大開。而亦在床對之手不停揮。致兒感受風寒。深入臟腑。或咳嗽。或發熱。或腹病。或吐瀉。變生諸症。所以小兒之病。入夏更多者。職是故也。而婦人冬天畏冷。又喜熏火。恐兒亦冷。將火放於桶下。將兒立於桶上。甚至火熾熱炙。啼哭不已。而亦不顧以致鬱熱成疾。變生燥火等症。而不自覺也。

十二 居室

居室清潔爽塏。空氣流通。使兒居之。自然無病。若污穢湫隘。窗戶閉塞。夏或暑盛。冬或寒多。則小兒未有不疾病叢生者。故余每至病家診疾。衣食之外。必教其改良居室爲第一要義。

十三 雜食

小兒能食。最喜糕餅水果等類。而父母愛子。又往往市而與之。不知所市諸物。糕餅多未熟透。水果多係生冷。且日晒蠅嘬。或是陳腐。小兒食之。極傷脾胃。疳積等症。多從此起。萬一要食。糕餅只好用米麥粉白製。水果只好擇花生荸薺蔗橘等類與之。不然。還以粥飯爲最養人。

十四 臍風

臍乃百風總竅。道家謂之下丹田。爲人身之命蒂。兒在胎時。口鼻未通。惟臍間眞息。隨母之呼吸。爲呼吸。逮呱呱一聲。氣通口鼻。而胎元一息。不復爲用矣。故關係最重。斷臍之時。兒不洗。則水氣不入。臍帶紮緊。縛固。留長剪斷。則風氣不入。能依余上文一二兩條所言。自無臍風撮口。噤口鎖肚。疳鵝口。馬牙。諸名稱之患。然臍風有內外二因之別。外因能依余一二兩條所言。可以避免。惟內因。非先天稟受。父母之體元。卽後天感受。父母之淫慾。故爲父母者。未孕宜保精。既孕宜異寢也。余行年六十有九。對於醫道閱歷已四十載。覺小兒外

因之臍風多易治愈。惟內因臍風治愈實難。二因臍風。凡有治愈者。多用陳飛霞幼幼集成二卷所載集成金粟丹。及保赤萬應散爲主藥。幸閱者詳加察焉。

十五 驚風

驚風謬說。喻嘉言等曾痛闢之。拯救小兒。不知凡幾。謬說所謂急驚者。多因感傷風寒。發熱痰閉。小兒氣血嬌嫩。難耐外邪。以致抽搐。而卽妄名之曰急驚。謬說所謂慢驚者。多因小兒抱病。庸醫深投寒涼剋伐之劑。病深元傷。昏沈疲倦。以致抽搐。而卽妄名之曰慢驚。外邪宜用荊防敗毒散爲主方。而柴胡川芎引邪入少陽。均宜減去。有痰

加半夏廣皮。甚則加芥子菖蒲。有食加山查麥芽。有風火加薄荷連翹。有暑加香薷車前。泄加茅蒼朮。吐加厚朴。腹痛加木香烏藥。口渴加葛根。小便赤加木通。此其大要也。神而明之。存乎其人。病深內傷。重則宜用桂附理中湯。輕則宜用香砂六君子湯。加減神而明之。則又存乎其人。難以詳盡。

十六 胎毒

兒在母腹。或因母素體血燥。或因嗜食辛熱諸物。又因父母不知異寢養胎。小兒產後。多有胎毒。如流丹癰疹。口舌生瘡。頭面耳目身腿赤爛。小便赤黃。大便閉結。一切風火之症。宜用幼幼集成二卷所載

集成沆瀣丹。時常與服。以解其蘊熱。臟腑既清。皮膚自愈。若服湯劑。則以疎風瀉火托裏解毒爲主。若用敷藥。則以消風涼血解毒潤肌爲主。而口舌生瘡。不能吮乳。最關緊要。宜用真牛黃數分。水化頻頻敷搽。無不速愈。且不再發。屢用神效。

十七 泄瀉

小兒泄瀉。以暑令爲最多。由於乳母撫育不慎。日則受暑。夜則受涼。兒常汗出。對之揮扇。兒醒尙可。甚至兒睡毛孔大開。而亦對之手不停揮。風寒深中。兼之汗回成溼。而又加以母乳之或冷停。水果油膩等物之或偶食。寒暑溼食。併傷脾胃。遂成泄瀉。初起只用中醫世界

第一卷第三期內所載聶氏暑令驗方藥末。蒸湯與服。數次自愈。如泄瀉不止。恐防洞瀉。元氣驟脫。須急用幼幼集成三卷所載七味白朮散。按方與服數劑。無不神效。倘誤服寒涼藥。不過隔命在呼吸。則急查照莊在田福幼編所載。先煎灌逐寒蕩驚湯。再煎灌加味理中地黃湯。庶可起死回生。暑令泄瀉。最爲小兒險症。余依此法施治。救濟不少。閱者幸勿輕視也。

十八 發熱

六淫之感受。小兒與大人同。一有不慎。多致發熱。及咳嗽痰涎鼻塞身重等症。只宜用防風荆芥以解其表。桔梗前胡以搜其裏。法夏廣

皮以去其痰。有食加山查麥芽。有蟲加使君子川椒。有寒加炮薑。有風火加薄荷連翹。有暑加香薷。有溼加薏苡仁。有燥加杏仁蘇子。口渴加葛根。吐則加厚朴神麴。泄則加茅蒼朮木香。大便不通加枳殼。小便不通加茯苓車前木通。此特舉其大略也。再由醫者臨症加減之。第一不可謂熱是火。誤投苓連寒涼等藥。卽仲景治傷寒。首亦重於汗也。

十九 變蒸

小兒生後。有變蒸之一症。大約三十二日爲一期。其變蒸時。亦有發熱等症。與病無異。只須治以發熱諸藥。切勿妄投礲石猛烈。冰麝香